



Inatsisartunut ilaasortaq Palle Christiansen
/Maani

Saattuarniarsinnaanermut akuersissutit pillugit § 36 tunngavigalugu ilassutaasumik apeqqummut akissut

Saattuarniarsinnaanermut akuersissutit pillugit Naalakkersuisunut arlalinnik ilassutinik apeqquteqarsimavutit. Apeqqutit ilassutit ukioq manna martsip ulluisa qulingiluaanni uanga akissutinut tunngapput.

Apeqqutit pingasut ataasiakkaarlugit Naalakkersuisut sinnerlugit akisassavakka, kisianni aallarniutigalugu uteqqissavara martsimi akissutigaa erseqqilluinnartuusoq: Naalakkersuisut kingumoortumik aalisarnissamat akuersissutinik tunisineq ajorput, aamma taamaalilluni januarip aallaqqaataata 2000-ip kingorna taamatut kingumoortumik aalisarnissamat akuersissutinik tunisisimanernik aalajangersimasunik takusassaqaqngilaq.

1. Kissaatigineqarpoq ilisimatitsissutigineqassasoq inatsisit suna tunngavigalugu Naalakkersuisut isumaqarnersut §36 apeqqut aalajangersimasunik (atertaqanngitsunik) suliassartalik akisinnaanagu?

Siulliullugu Inatsisartut suleriaasianni § 36, imm. 1 innersuussutigineqarsinnaavoq, taanna malillugu suliat *inuiaqatigiinnut attuumassuteqartut* pillugit paasissutissanik pissarsiniarluni Naalakkersuisut apeqquteqaateqarfigineqarsinnaallutik, suliallu aalajangersimasut, kimut tunnganersut takuneqarsinnaanngikkaluarpalluunniit, suliatut inuiaqatigiinnut attuumassuteqartutut isigineqarsinnaanngillat.

Aammattaaq pisortat suliaqartarneranni inatsisit malillugit periutsit nalinginnaasuut innersuussutigisariaqarput. Pisortat aalajangertarneri maalaarutaasinnaasullu qanoq suliarineqartussaaneritut aalajangersimasunik suleriaseqartoqarpoq, Naalakkersuisullu suleriaatsinut taakkununga akuliuttariaqanngillat.

2. Naalakkersuisut januarip aallaqqaataata 2000 kingorna sukkulluunniit saattuarniarnissamik akuersissummik akuersissutinilluunniit arlalinnik akuersissuteqarsimappat ullut qaangiutereersut ilanngullugit angallatinut akuersissutip tunniunneqarnerata nalaani Grønlands Kommandomit tigusarineqarsimasunut inatsisit unioqquillugit aalisartunut?

11. maj 2006
J.nr. 01.22.02 /
FM2006

Postboks 1029
3900 Nuuk
Oq/tel +299 34 50 00
Fax +299 32 20 73
aapip@gh.gl
www.nanoq.gl

Naalakkersuisut marloqiusaarpalunngitsumik eqqunnginnerarsinnaagunikku ullut qaangiutereersut ilanngullugit akuersissutinik tunniussisimallutik Naalakkersuisut inussiarnernerpaamik qinnuivigineqarput aalisarnermi inatsimmi tunngavissaq Naalakkersuisunik ullut qaangiutereersut ilanngullugit akuersissuteqartitsisinnaasoq unnersuussutigeqqullugu?

Soorlu siusinnerusukkut taaneqartoq 1. januar 2000-p kingorna Naalakkersuisut kingumoortumik aalisarsinnaanermut akuersissuteqarnikuunngillat. Tamanna tunngaveqarpoq saattuarniarneq pillugu Namminersornerullutik Oqartussat nalunaarutaat nr. 8 7. juni 2004-meersoq, taanna malillugu Aalisarnermut, Piniarnermut Nunalerinermullu Pisortaqaarfik akuersissuteqarsimatinnagu inuussutissarsiutigalugu saattuarniarneq inerteqqutaavoq.

Aalisarneq pillugu Inatsit aalisarnermik arlalinnik sinaakkusiivoq, saattuarniarnerlu pillugu malittarisassat aalajangersimasut suliammullu attuumassuteqartut nalunaarutini arlalinni takuneqarsinnaapput.

Ilaatigut aalisarsinnaanermut akuersissutit pillugit Namminersornerullutik Oqartussat nalunaarutaanni nr. 5 31. januar 2002-meersumi allassimavoq, sinerissap qanittuani saattuarniarnermi akuersissutit assigiinngitsut suut tunniunneqarsinnaanersut. Tassani ukiumoortumik akuersissutit pineqarput, taakkulu ukiut tamaasa nutarterneqartassapput, aammattaaq akuersissut angallammiitinneqassasoq allassimavoq.

3. Inatsisit unioqqutillugit saattuarniartunik suliat qassit Naalakkersuisut januaarip aallaaqqaataata 2000-ip kingorna paasiniagassanngorlugit aamma pasilliutitulluunniit politiinut tunniussimavaat?

Unioqqutitsilluni aalisarnermik politinut nalunaaruteqartarnernik immikkut naatsorsuilluni nalunaarusiortoqarnikuunngilaq.

Kisianni Naalakkersuisoqarfimmi paasissutissatigut takuneqarsinnaavoq politiinut nalunaarutiginninnerit 2000-ip kingorna ukiumut pingasuniit tallimaasartut. Iisimatitsissutigineqarsinnaavoq 2005-imi akuersissuteqaratik saattuarniartut sisamat politiinut nalunaarutigineqarnikuusut.

Ikinngutinnersumik inuulluaqqusillunga

Finn Karlsen

Aalisarnermut Piniarnermt Nunalerinermullu Naalakkersuisoq